

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 15., stav (3) i (4) Zakona o izvršavanju budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 152. sjednici, održanoj dana 20.07.2018. godine, d o n o s i

ODLUKU

o preraspodjeli sredstava u budžetu Zeničko-dobojskog kantona za 2018. godinu

Član 1.

(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) između budžetskih korisnika Ministarstvo za obrazovanje, nauku, kulturu i sport i JU Osnovna škola „Hamza Humo“ Zenica.

Član 2.

(Način preraspodjele sredstava)

Preraspodjela sredstava planiranih u Budžetu Zeničko-dobojskog kantona za 2018. godinu, vrši se na slijedeći način:

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2018. godina, umanjuju se za 65.000,00 KM;
- na razdjelu 22, budžetska organizacija 02, potrošačka jedinica 0052 – Osnovna škola „Hamza Humo“ Zenica, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2018. godina, uvećavaju se za 65.000,00 KM.

Član 3.

(Namjena sredstava i izvještavanje)

(1) Odobrena sredstva iz člana 2. ove odluke škola će utrošiti za zamjenu dotrajale vanjske stolarije na objektu centralne škole.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška istih, a Ministarstvo za obrazovanje, nauku, kulturu i sport će Vladi Zeničko-dobojskog kantona podnijeti kompletan izvještaj o utrošku sredstava odobrenih ovom Odlukom.

Član 4.

(Realizacija odluke)

Za realizaciju ove Odluke zadužuju se i Ministarstvo finansija, Ministarstvo za obrazovanje, nauku, kulturu i sport i Osnovna škola „Hamza Humo“ Zenica, svako u okviru svojih nadležnosti.

Član 5.

(Stupanje na snagu)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.